

OPĆINA CENTAR

Općinsko vijeće

Na osnovu člana 40. stav 2. i člana 56. Zakona o prostornom uređenju Kantona Sarajevo ("Službene novine Kantona Sarajevo", broj 13/99) i člana 65. Statuta Općine Centar Sarajevo ("Službene novine Kantona Sarajevo", broj 9/98), Općinsko vijeće Centar Sarajevo, na trinaestoj sjednici održanoj 11. novembra 1999. godine, donijelo je

ODLUKU

O PRISTUPANJU IZRADI URBANISTIČKOG
PROJEKTA NADZIĐIVANJA, SANACIJE I
INTERPOLACIJE DIJELA NASELJA KOŠEVSKO
BRDO - LOKALITET „ZUKO DŽUMHUR“

Član 1.

Pristupa se izradi Urbanističkog projekta nadziđivanja, sanaciji i interpolaciji dijela naselja Koševskog Brda - lokalitet "Zuko D'umhur" (daljem tekstu: urbanistički projekat).

Član 2.

Područje planiranja je omeđeno granicom koja polazi od raskršća ulica Jukićeva i Muhameda Had'ijahića. Odavde krećući se prema jugu ulicom Muhameda Had'ijahića ista dolazi do raskršća Muhameda Had'ijahića sa pješačkom stazom koja povezuje ulicu Muhameda Had'ijahića i Zuke D'umhura. Ovdje skreće prema istoku i spomenutom pješačkom stazom dolazi do ulice Zuke D'umhura. Ulicom Zuke D'umhura dolazi do ulice Nusreta Šišića - Dede. Zatim u pravcu istoka produžava pješačkom stazom do ulice Braće Begić. Od ove tačke u pravcu sjevera ide ulicom Braće Begić do raskršća sa Jukićevom. Granica se vraća ulicom Jukićeva do raskršća sa Had'ijahićevom odakle je i počeo opis granice obuhvata.

Ukupna površina obuhvaćena opisanim granicama iznosi 3,0 ha.

Član 3.

Nosilac pripreme plana je općinski načelnik Općine Centar Sarajevo (u daljem tekstu: nosilac pripreme).

Član 4.

Nosilac izrade plana je Zavod za planiranje razvoja Kantona Sarajevo, dok će nosilac pripreme plana utvrđen u članu 3. ove odluke, fazu izrade urbanističkog projekta, povjeriti pravnom licu registriranom za tu vrstu djelatnosti putem odabira najpovoljnije ponude za izradu istog u skladu sa zakonom.

Sredstva potrebna za izradu urbanističke dokumentacije utvrđene ovom odlukom odredit će se na bazi usvojene najpovoljnije ponude iz prethodnog stava.

Član 5.

Rok za izradu Urbanističkog projekta je 60 dana od dana donošenja ove odluke.

Član 6.

Izradi Urbanističkog projekta prethodi:

- izrada smjernica za pripremanje i izradu Urbanističkog projekta,
- izrada analitičko-dokumentacione osnove,
- verifikacija dokumenata iz alineje 1. i 2. ovog člana od strane nosioca pripreme Plana.

Član 7.

Izrada Urbanističkog projekta obuhvata radove predviđene članom 47. stav 2. Zakona o prostornom uređenju Kantona Sarajevo, s tim da je nosilac izrade dužan da koncept prostorne organizacije (urbanističko-arhitektonsko i saobraćajno rješenje)

razmotri sa Općinskim organom nadležnim za poslove prostornog uređenja o čijim primjedbama i sugestijama će voditi računa kod izrade prednacrtu plana.

Član 8.

Nosilac pripreme plana utvrdit će Nacrt Urbanističkog projekta i podnijeti ga Općinskom vijeću na razmatranje.

Član 9.

Općinsko vijeće će razmotriti Nacrt Urbanističkog projekta te staviti ga na javni uvid i raspravu u trajanju od 30 dana.

Član 10.

Na osnovu rezultata Javne rasprave i stava o nacrtu Urbanističkog projekta nosilac pripreme plana utvrdit će prijedlog Urbanističkog projekta i podnijeti ga Općinskom vijeću na donošenje.

Član 11.

Sredstva potrebna za izradu Urbanističkog projekta obezbijedit će Nosilac pripreme Plana Općina Centar.

Član 12.

Subjekti planiranja su: Općina Centar, komunalna preduzeća i to: Vodovod i kanalizacija, Elektrodistribucija Sarajevo, "Sarajevo-gas", Mjesna zajednica "Koševsko Brdo", vlasnici i korisnici nekretnina na području koje obrađuje urbanistički projekat.

Član 13.

Sastavni dio ove odluke je grafički prilog:

- Izvod iz Regulacionog plana "Koševsko Brdo" sa naznačenim područjem koje obrađuje Urbanistički projekat, a unutar granica opisanih u članu 2. ove odluke.

Član 14.

Dio naselja Koševsko Brdo - lokalitet "Zuko D'umhur" stavlja se pored rešim zabrane gradnje, osim tekućeg održavanja, do usvajanja Urbanističkog projekta ovog lokaliteta.

Član 15.

Ova odluka stupa na snagu danom objavljivanja na Oglasnoj ploči, a naknadno će biti objavljena u "Službenim novinama Kantona Sarajevo".

Broj 01-49-1269/00 Predsjedavajući Općinskog vijeća
11. novembra 1999. godine Centar Sarajevo
Sarajevo prof. dr. **Husein Kulenović**, s. r.

Napomena: Odluka objavljena na Oglasnoj ploči Općine Centar Sarajevo 11. 11. 1999. godine, kada je i stupila na snagu.

Na osnovu člana 40. stav 2. i člana 56. Zakona o prostornom uređenju Kantona Sarajevo ("Službene novine Kantona Sarajevo", broj 13/99) i člana 65. Statuta Općine Centar Sarajevo ("Službene novine Kantona Sarajevo", broj 9/98), Općinsko vijeće Centar Sarajevo, na šestoj vanrednoj sjednici održanoj 18. novembra 1999. godine, donijelo je

ODLUKU

O PRISTUPANJU IZRADI URBANISTIČKOG
PROJEKTA DIJELA NASELJA „CRNI VRH - GORICA“

Član 1.

Pristupa se izradi Urbanističkog projekta naselja na lokalitetu "Crni vrh - Gorica" (u daljem tekstu: Urbanistički projekat), a kojim će se rješavati stambena pitanja Roma na dijelu naselja "Crni Vrh - Gorica".

Član 2.

Područje planiranja obuhvata granice parcela - NOVI